



2020 йил « 21 » апрель

№ 08-78

« \_\_\_\_ » \_\_\_\_\_ 20 \_\_\_\_ года

**Тошкент давлат юридик университетида ўқув жараёнини  
масофавий таълим орқали самарали давом эттириш ҳамда  
2019/2020 ўқув йилини якунлаш тўғрисида**

Тошкент давлат юридик университетида ўқув жараёнини масофавий таълим орқали самарали давом эттириш, 2019/2020 ўқув йилини якунлаш, шунингдек, Ўзбекистон Республикаси олий ва ўрта махсус таълим вазирининг 2020 йил 10 апрелдаги “Олий таълим муассасаларида ўқув жараёнини масофавий таълим орқали самарали давом эттириш ҳамда 2019/2020 ўқув йилини якунлаш тўғрисида”ги 257-сон буйруғи ижросини таъминлаш мақсадида

**Б У Ю Р А М А Н :**

1. Ўзбекистон Республикаси олий ва ўрта махсус таълим вазирининг 2020 йил 10 апрелдаги 257-сон буйруғи рахбарлик ва ижро учун қабул қилинсин.

2. Ўқув жараёнини масофавий таълим орқали ташкил этиш ҳамда битирувчи курс талабаларининг якуний давлат аттестациясини ўтказиш мақсадида:

Ўзбекистон Республикаси Адлия вазирлиги ва Олий ва ўрта махсус таълим вазирлигининг 2020 йил 3 апрелдаги “Карантинга оид чоралар амал қилиши даврида Ўзбекистон Республикаси Адлия вазирлиги тизимидаги таълим муассасаларида ўқув жараёнини масофавий шаклда самарали ташкил этиш чоралари тўғрисида”ги 22/1-1/1488; 26Қ/Қ-сон қўшма қарори қабул қилинганлиги, ушбу қарор билан Карантинга оид чоралар амал қилиш даврида Тошкент давлат юридик университетида масофавий таълимни ташкил этиш тартиби тўғрисидаги вақтинчалик низом тасдиқланганлиги;

Тошкент давлат юридик университети кенгашининг 2020 йил 3 апрелдаги 5-сон мажлиси баённомаси билан:

ўқув машғулоти 2020 йилнинг 16 мартдан тўхтатилгани ва 2020 йил 6 апрелдан бошлаб масофавий таълим шаклида давом эттирилганлиги ҳисобига университетнинг ўқув жараёни муддати тегишли тартибда узайтирилганлиги;

бакалаврият таълим йўналиши битирувчи курс талабалари учун битирув олди амалиёти, бакалаврият таълим йўналиши ва магистратура мутахассисликлари битирувчилари якуний давлат аттестациясини ўтказишнинг алоҳида тартиби жорий этилганлиги инобатга олинсин.

3. Ўқув-услубий бошқарма (А.Тошпулатов), курс деканлари А.Бабаджанов, Б.Топилдиев, Д.Махкамов, И.Эргашев, Магистратура бўлими (Ш.Хўжаев):

масофавий таълим жараёнида дарс машғулоти тасдиқланган жадвал асосида ташкил қилиниши устидан қатъий ва тизимли назорат ўрнатсин ҳамда ўқув жараёнини узлуксизлигини таъминлаш орқали 2019/2020 ўқув йилини масофавий таълим асосида жорий йилнинг 1 июлигача якунлаш чораларини кўрсин;

масофавий таълим билан қамраб олиш имкони бўлмаган талабалар рўйхатини **уч кун муддатда** шакллантирсин;

ёзги таътил даврида ёки кейинги ўқув йилида ишда бўладиган профессор-ўқитувчилар томонидан масофавий таълим билан қамраб олиш имконияти мавжуд бўлмаган талабаларни алоҳида жадвал асосида ўқитиш ва фанларни ўзлаштириш жараёнини ташкил қилиш чораларини кўрсин.

4. Курс деканлари А.Бабаджанов, Б.Топилдиев, Д.Махкамов, И.Эргашев, Магистратура бўлими (Ш.Хўжаев) ҳамда кафедра мудирлари:

масофавий таълим платформаси, жумладан **dist.edu.uz** тизимига ўз вақтида маълумот киритилиши, ундан профессор-ўқитувчилар ва талабалар тизимли равишда фойдаланишини таъминлаш чораларини кўрсин;

университетнинг масофавий ўқитиш платформаси (moodle.tsul.uz) орқали янги 2020/2021 ўқув йилини бошлаш учун тайёргарлик ишларини ташкил этсин.

Бунда, кафедра томонидан ўқитиладиган барча фанларни масофавий ўқитиш платформасига жойлаштиришни (маъруза матнлари, видеоматърузалар, тақдимотлар, амалиёт материаллари, тест саволлари ва ҳ.к.) назарда тутсин.

5. Кадрлар бўлими (А.Матмуротов):

масофавий таълим жараёнига жалб этиладиган профессор-ўқитувчилар, шу жумладан ўриндошлик асосида ишлаётганлар ва тегишли лавозимлардаги ишчи ходимларни меҳнат қонунчилигига асосан уларнинг розилигига кўра

белгиланган тартибда таътилдан чақириб олиш ҳамда масофавий иш режимига ўтказиш;

меҳнат таътилининг бир қисмини олган профессор-ўқитувчилар таътилнинг фойдаланилмай қолган қисмини одатда бериладиган ёз ойларига режалаштирилиш;

профессор-ўқитувчилар ва ишчи ходимларни ижтимоий ҳимоя қилиш ҳамда уларнинг ҳуқуқлари бузилишига йўл қўймаслик чораларини сифатли ташкил этилишини таъминласин.

6. Канцелярия (Х.Абдуллаев) мазкур буйруқни университетнинг барча таркибий бўлинмаларига етказсин.

7. Ушбу буйруқнинг бажарилишини назорат қилиш ўқув ишлари бўйича проректор И.Рустамбеков зиммасига юклансин.

**Адлия вазири  
ўринбосари – ректор**



**Р. Ҳакимов**